

Eminentissimi Ac Reverendissimi Domini, D. Joannis Baptistæ, Cardinalis De Luca, Theatrum Veritatis Et Justitiae, Sive Decisivi Discursus

Ad Veritatem Editi In Forensibus Controversiis, Canonicis & Civilibus, in
quibus in Urbe Advocatus, pro una partium scripsit, vel Consultus
respondit ; Cum Indicibus Argumentorum, Causarum ac Rerum
luculentissimis. Opus Tam Judicibus, Quam Causarum Patronis, atque
omnibus in utroque Foro ...

Tractatus Primi Pars I. de Servitutibus Prædialibus, Usufructu, & utroque
Retractu, Pars II. de Emphyteusi, Pars III. de Locatione & Conductione

**Luca, Giovanni Battista de
Coloniae Agrippinae, 1691**

Disc. XLIV. Nepesina seu Tulpharum. De iisdem privilegiis Dohanæ super
prælatione in emptione bannitarum & pascuorum, nè illorum domini illa
vendere seu locare possint absque Dohaneriorum ...

[urn:nbn:de:hbz:466:1-74102](https://nbn-resolving.de/urn:nbn:de:hbz:466:1-74102)

omnino debita videretur, cum in effectu sint Domini, si non quoad utilitatem, & emolumentum, attamen quoad jus habituale dominij, cum in effectu aliud non sit Communitas, quam corpus politicum civibus tanquam ejus membris constitutum. Atq; ita per dictum Cardinalem Arbitrum judicatum fuit.

E converso juxta morem Advocatorum quos solùm dico infelices ob istam necessitatem dicendi, modo album, modo nigrum, juxta caesarum contingencias, ac requirementum oportunitatem, *in una*

¹⁰ *Cornetana* disputata in signatura gratiae inter dictum Dohanerium, Communatem Corneti, cum ista plures haberet tenutas hybernis pascuis nimium aptas, cum quorum pretio publica onera supportat; Atque ad evitandum periculum ne pascui prædicta invendita remaneant, sive quod inferiori pretio ea vendere oporteat, confieverit cogere ejus cives idoneos animalia habentes, ut dictas tenutas, seu herbas pro solito pretio suscipiant, & juxta diversas qualitates, & bonitates inter se repartito proportionabiliter pretio dividant, Dohanerius autem in alijs annis in quibus herbae affluentia habebatur neglexerit isto privilegio uti, in anno vero penultimo privilegium prædictum de facto exercere voluerit, non in omnibus tenutis, sed in una seu quadam parte meliori, Re delata per appellationem à quodam decreto Thesaurarij ad Cameram, ista erat in sensu quod privilegium prædictum non intraret, quoniam verè & propriè hæc non est venditio, neque locatio, neque concessio; sed potius quedam restituitione antiquæ naturali civica facultati depascendi in territorio propriæ patriæ, habendo solùm per quandam speciem collectæ pretio mediante illum usum quem attento jure naturæ habere deberent gratuitum juxta lamentationem *Hyeremia Propheta* ibi *Aquam nostram pecunia bibimus, ligna nostra preio comparavimus*, & ob alias considerationes, de quibus supra in alia consimili controversia *Tuscanen*, licet scribentes pro Communitate ista non deducerent, sed procederent cum regulis generalibus. Ego autem occasione recursus ad Signaturam Sanctissimi à quodam decreto Camerae, scribens pro Thesaurario magis insistebam in attentatis, ac in defectu jurisdictionis ob clausulam *sablatu*, & decretum irritatus, que continentur in dicta Constitutione *Gregorij XIII.* & in alio chirògrapho confirmatorio capitulorum appaltus, sed circa negotium principale juxta stylum insinuavi, quod ego sentiebam non levem difficultatem, stante potissimum continuata, & longæva observantia, non attendenda quidem in ratione praesciptiva, seu abrogativa dictæ Constitutionis ob dictas clausulas impediens, ne contraria consuetudo vel præscriptio oriatur juxta plene deducta *dec. 400. p. 9. recent. & in decif. 35. post collationes Bondeni*, sed in ratione interpretativa, quo casu clausula non obstant, quoties non agitur de interpretatione expressa data ab homine; Et licet revera isto casu non omnes tenuta earumque pascua deserviant pro usu ciuium & incolarum tot animalia non habentium, unde cives inter quos illæ repartuntur introducent etiam animalia exterorum ad hunc effectum datur quoddam privilegium ciuitatis, unde in stricto jure est venditio, que alijs fiat, attamen punctus est in eo quod Communitas ab initio reddatur, ita cum ciuium coactione certa de venditione.

NEPESINA

SECV

TVLPHARVM.

PRO

COMMUNITATE TVLPHARUM.

CVM

EISDEM DOHANERIIS PATRIMONII

Casus sopus per concordiam.

De iisdem privilegiis Dohanæ super prælatione in emptione bannitarum & pascuorum, & ne illorum domini illa vendere seu locare possint absque Dohanerorum requisitione. Ac de eorumdem privilegiorum limitatione in locationibus ad longum tempus. Et quando talis dicitur locatio, ut sub hujusmodi exceptuacione cadat.

SVMMARIVM

1. *Casus controversie.*2. *Quando dicatur locatio ad longum tempus, distinguuntur plures casus.*3. *Vergarij sece gregum insitores conducere possunt pascua, & obligare Dominos ad triennium sed non ultra.*

DISC. XL IV.

Disponte Constitutione *Gregorii XIII.* edita super Dohana Patrimonij impress. in Bullario veteri *Sixti V. Confis. 46. sen* 69. Communates, Barones, & privatos vendere non posse bannitas, vel alia loca hybernis pascuis destinata, nisi requisito Dohanero, ac per ipsum facta declaratione nolle in hujusmodi emptione præferri, sub pena nullitatis actus, qua declaratione non sequuta ad totum mensem Decembri liceat unicusque libere vendere *ut in Tuscanen. disc. præced.* In capitulis appaltus ejusdem Dohanæ initis cum Dohaneris, cum quibus præfens erat controversia cap. 35. idem disponit quod supra. In cap. autem 42. dictam generalitatem moderando habetur, quod licet in vim dictæ Constitutionis abrogari etiam possint locations, seu venditiones ad longum tempus, ex quadam tamen equitate, eas Camera substineri præcipit, concessa solùm Dohaneris prælatione pro eodem tempore & pretio seu pensione,

Cum autem Communitas Tulpharum pascua ejus tenutarum vendidisset seu locasset ad quinquennium, antequam præfens appaltus sequeretur, Dohanerij autem uti nollent cap. 42. sed prætententes hanc non esse locationem ad longum tempus, ad proxim deducere vellent Constitutionem sive Capitulum 35. Hinc orta inter has partes controversia coram Dohanarum Præside, assump-

tus

ptus fuit disputandus articulus; An hæc locatio ad quinquennium in proposito & ad effectum de quo agebatur dicenda eset nec nè ad longum tempus.

² In hoc autem pro Communitate scribens dicebam, nullibi in jure determinatum eset, quando locatio ad longum vel breve tempus dicenda sit; glos. vero in l. prima §. quod ait verbo *actio* ff. de superficiebus. & in Clem. prima de reb. Eccles. non alien. verbo ad tempus modicum, plures refert opiniones, quas ex eadem glos. & alijs reasuum Menoch. de arbitr. casis. Alij enim sentiunt dici biennium, Alij quinquennium; Alij septennium, Alij decennium; Alij vero id possumt esse in arbitrio judicis, ex variis rerum, locorum, temporum vel causarum circumstantiis regulando.

Et licet apud canonistas, antequam emanaret *extravagans ambitiosa*, de rebus Ecclesie non alien. magis recepta eset opinio quod locatio ad longum tempus non diceretur infra spatiū decennio inferius; Vel ex eo quod in prohibentibus libertatem stricta interpretatio facienda sit; Vel quia per tantum tempus transferri videtur quoddam dominium *ad nos in cap. primo de rebus Eccles. non alien.* cum quo etiam sensu pertransfunt feudista, ut scilicet sub dispositione *cap. Imperiale*, de probib. feud. alien. per Federici. sive sub Conflit. Regni incipien. Constitutionem *Divam memoria*, veniat locatio, qua sit decennio major & quæ tanquam longa dicitur species alienationis, non autem inferior ex deducitis per Rosenthal. de feud. cap. 9. conclusi. 7. num. 8. & 9. ubi in gloss. l. i. cateri ad saturatatem de more cumulantur.

Nihilominus in ceteris rebus indiferentibus, in quibus non militet ratio prohibitæ alienationis, sub qua locatio ad longum tempus tanquam iusdomini translativa veniat; Et fortius, ubi longi temporis qualitas non importat naturalis libertatis restrictionem &odium, sed potius favorem, ejusdemq; libertatis restitutionem, Omnipotens verius videtur, vel favore libertatis benigniores opiniones de biennio, triennio, vel quinquennio recipendas eset, vel & probabilius, attendendam esse alteram, ut id remitterendum sit judicis arbitrio regulando ex facti circumstantiis.

Hac autem ultima opinione utpote probabiliorí retenta, ac stante subjecta materia dicebam etiam cù sensu veritatis, justè, ac rationabiliter spatiū trium vel quatuor annorum in proposito longum dicendum eset, cùm ut plurimum hujusmodi herbarum & pascuorum venditiones singulis annis ad modicos mensis hyberni temporis fieri soleant; Attenta præsertim consuetudine agriculturae, cuius periti testabantur, quod in proposito emptionis herbarū longum tempus censem tur totum illud, quod triennium excederet, itaut gregium institutores, qui vulgo *vergari* seu *fatores* nuncupari solent, ex ejusdem agriculturae observantia, tacitum dominorum mandatum habere dicantur ad obligandos Dominos pro emptionibus seu affictibus tenutarum & pascuorum ad dictum tempus triennii sed non ultra.

Clarius autem premissa procedere dicebam in hac individua facti specie, ob particulares ejus circumstantias, cum in facto supponeretur quod omnes dicti Oppidi seu Communitatis tenetæ in duas partes seu species divisa esent, quibus incolas alternatim uituntur, quia nempe in uno tempore una colitur, & altera relinquitur pro usu pascuorum; In ea enim quæ colitur, de pascuis agi non potest; Et altera, quæ pascuorum usui relinquitur, supponi Cardin. de Luca de Servitutibus.

tur oppidanorum prohibitionem esse à die S. Angeli Septembbris, uisque ad medietatem mensis Februarii, pro quo tantum tempore durat jus privatum Appaltatoris, A dicto vero tempore citra, communis est civium & incolarum usus; Quo factò sic stante, proflus impracticabile videtur dictum capitulum 35. per quod prohibetur hujusmodi tenetas vendere vel locare absque licentia Dohanneriorum, qui expectandi sint ad totum mensem Decembbris, quoniam ita jus conductoris durabile non eset, nisi ad dies, pro quorum usu nullus inveniretur, qui conduceret vel emeret, unde teneta remanerent proflus iniuriles Communitati, quæ alias inhabilis redderetur ad publica onera cameralia & communiativa supportanda, cum ejusdem Principis & Cameræ præjudicio. Ideoque ex hujusmodi particulari circumstantia fatis probable dicebam, quod circumscripta etiam locatione ad longum tempus, istarum tenetarum species sub dicta Constitutione, seu sub dicto cap. 35. appaltus non venirent; Controversia tamen exitus fuit mediante quadam concordia.

ROMANA

DAMNI INFECTI,

PRO

JOSEPHO COSTA.

CVI

GINNASIIS.

Casus decisus per Cameram ut infra.

Vicinus agens in suo prædio opus, per quod damnum vicino inferatur, & cautionem præbens de damno infecto, quomodo illud jam eventum reficere teneatur. Et ad quid cogi valeat.

SUMMARIUM.

- 1 F Acti series.
- 2 Quomodo damnum infectum sit reficiendum, distinguuntur inter rem reficiendam, vel non.
- 3 Si reficurres in meliori statu, an reficiens repeat meliorationis estimationem.
- 4 Remedium damni infecti proditum est ad evitandum damnum, non ad faciendum lucrum.
- 5 Ea, quæ sunt ad voluntatem an sunt reficienda.

DISC. XLV.

VOLENS Joseph Costa in quodam ejus prædio existente subitus viridarium illorum de Ginnasiis propè ripam Tyberis in loco nuncupato *marmorata*, ex antiquis muris & ruinis excavare cementa lateritia vulgo nuncupata *ravolozze*, ut frequens esset in Urbe confitudo, inhibitus à dictis de Ginnasiis, ut ab opere abstineret propter periculum ex hujusmodi excavatione imminens muris dicti eorum viridarii, & præsertim cujusdam lodi ad oblectamentum in eo existentes, cautionem præstitut de damno infecto; Unde factio